

Broj: 07-1-25/2-804-6/20  
Sarajevo, 18.06.2021. godine

**Federacija Bosne i Hercegovine**  
**ZENIČKO-DOBOJSKI KANTON**  
**OPĆINA KAKANJ**  
N/r Predsjednika Općinskog vijeća  
N/r Općinskog načelnika

Primljeno	124 -06- 2021
Org.	Prilog

**PREDMET:** Saglasnost za pokretanje postupka dodjele koncesije za zahvatanje i korištenje vode iz rijeke Bosne na postojećem zahvatu — traži se

Poštovani,

Obavještavamo Vas da je Federalnom ministarstvu poljoprivrede, vodoprivrede i šumarstva aktom broj: 02-3-71/1-17943/19 od 05.11.2019. godine od strane JP Elektroprivreda BiH „Podružnica Termoelektrana „Kakanj“ ( u nastavku teksta TE Kakanj) podnesen zahtjev za dodjelu koncesije putem samoinicijativne ponude za zahvatanje i korištenje vode iz rijeke Bosne u cilju ispunjavanja uslova iz tačke 3. podtačka 3.3. Rješenja o vodnoj dozvoli broj: UP-1/25-3-40-161-7/19 koji dostavljamo u prilogu ovog akta.

Vlada Federacije BiH je donijela Zaključak V. broj:694/2020 od 21.05.2020. godine na svojoj 223. sjednici tačkom 2. istog ovo Ministarstvo zadužila da provede postupak po Zahtjevu TE Kakanj za dodjelu koncesije za zahvatanje i korištenje vode iz rijeke Bosne na postojećem zahvatu.

Shodno odredbi člana 28. Zakona o koncesijama Federacije BiH („Službene novine Federacije BiH“ br. 40/02 i 61/06, u daljem tekstu Zakon) i člana 5. Pravila o postupku dodjele koncesija („Službene novine Federacije BiH“ broj 68/06, u daljem tekstu Pravila) TE Kakanj je svojim aktom broj:02-3-71/1-5836/21 od 23.04.2021. godine ovom Ministarstvu dostavila Studiju ekonomske opravdanosti zahvatanja vode iz rijeke Bosne za potrebe TE Kakanj i Idejni projekat zahvatanja vode iz rijeke Bosne, koje dostavljamo u prilogu u elektronskoj formi (CD). Predmetnu studiju je odobrila Komisija za koncesije Federacije BiH na osnovu člana 6. stav 2. Pravila.

U skladu sa članom 5. stav 1. Zakona i članom 4. stav 1. Pravila, predviđeno je da Vlada Federacije BiH treba donijeti Odluku o pristupanju postupku dodjele koncesije, a za što je prethodno potrebno pribaviti procjenu postojanja javnog interesa i saglasnost Općinskog vijeća na čijem području se dodjeljuje koncesija.

Imajući u vidu navedeno molimo da postupite u skladu sa članom 5. stav 4. Zakona i poduzmete potrebne aktivnosti i mjere s ciljem provođenja postupka za davanje predmetne saglasnosti, što je zakonom utvrđena obaveza općinskih vijeća lokalne zajednice. Od Općinskog vijeća Kakanj se očekuje da u što kraćem roku razmotri ovaj zahtjev i dostavi predmetnu saglasnost kako bi ovo Ministarstvo moglo nastaviti dalje aktivnosti prema Vladi Federacije BiH, Komisiji za koncesije Federacije BiH i podnosiocu zahtjeva samoinicijativne ponude, odnosno ponuđaču

Takode molimo da postupite u skladu sa članom 9. st. 3., 4., i 5. navedenog Zakona, te predložite i ovom Ministarstvu dostavite Listu općinskog vijeća koja treba sadržavati najmanje šest istaknutih stručnjaka iz vaše sredine, iz oblasti prava, ekonomije i inženjerstva, a kako

bismo proveli postupak izbora i imenovanja dva promjenjiva člana, za rad u Komisiji za koncesije.

Molimo da traženo dostavite u što kraćem roku kako bi se stvorili preduslovi za pokretanje i provođenje postupka dodjele koncesije za zahvatanja vode iz rijeke Bosne za potrebe TE Kakanj po osnovu samoinicijativne ponude podnesene od strane TE Kakanj a koji se nalazi na području Općine Kakanj.

S poštovanjem,



Prilog: Kao u tekstu

Dostaviti:

- Naslovu (sa prilogom)
- Zeničko-dobojski kanton
  - + N/p Predsjedavajućeg Skupštine ZDK
  - + N/p Premijera Vlade ZDK
- Vlada Federacije BiH,
  - + N/p Premijera
- Komisija za koncesije FBiH
- Sektor voda
- a/a